

吉林出版集團有限責任公司
海 天 出 版 社

元詩選

欽定四庫全書薈要

欽定四庫全書薈要

集部
歌詞類

吉林出版集團有限責任公司
海天出版社

目次

書名	卷次	頁次	作者
元詩選 二集	卷二三—卷二六	四九〇—一	清・顧嗣立編
謝應芳 龜巢稟 金涓 青邨遺稟		四九〇—一	
卷二四		四九〇—四三	
趙汭 東山存稟 汪克寬 環谷集 鄭洪 素軒集 朱希晦 雪松巢集 吳志淳			
主一集 甘復 山窗餘稟 吳海 聞過齋集 楊翮 佩玉齋類稟 沈右 清輝樓稟			
卷二五		四九〇—七六	
譚處端 水雲集 丘處機 礪溪集 吳全 節 看雲集 薛玄曦 上清集 黃可玉 松瀑稟 查居廣 學詩初稟			
卷二六		四九〇—九九	
明本 中峰廣錄 梅花百詠 行端 寒拾里 人稟 祖銘 古鼎外集 益 栢堂山居詩 大圭 夢觀集 宗衍 碧山堂集 薛氏蘭			

書名	卷次	頁次	作者
英 聯芳集 薛氏惠英 三集 卷一 麻革 貽溪集 張宇 石泉集 陳賡 子 颺集 房皞 白雲子集 曹之謙 兌齋集 杜瑛 緱山集 杜仲傑 善失先生集 楊 雲鵬 陶然集 劉辰翁 須溪集 卷二 陳普 石堂先生遺藁 甘泳 東溪集 毛 直方 聊復軒斐集 劉邊 自家意思集 郭 麟孫 祥卿集 湯炳龍 北村集 王圭 敬仲集 卷三 盧摯 疎齋集 卷四 滕斌 玉霄集 馮子振 海粟集 李溥光 雪菴集 周馳 如是翁集 聶古柏 侍 郎集 張起巖 華峰漫藁 王士元 拙菴 集 王懋德 仁父集 曹元用 超然集 劉濩 聲之集 繆鑑 效顰集 汪珍 南 山先生集		四九〇——一三〇 四九〇——一六八 四九〇——一九二 四九〇——二〇三	

書

名

卷

次

頁

次

作

者

卷五

柯九思 丹丘生稟 劉致 時中集 項炯
可立集

卷六

李序 網緼集 李裕 中行齋集

卷七

王都中 本齋集 呂思誠 仲實集 干文
傳 仁里漫藁 王艮 止止齋集

卷八

林泉生 覺是集 李源道 仲淵集 楊敬
惠 仲禮集 陳德永 兩峰慚藁 陳天錫
鳴琴集 錢良右 江邨先生集 彭炳
元亮集 倪道原 太初集

卷九

伊埒布哈 芝軒集 汪澤民 宛陵遺藁
陳肅 伯將集 吳訥 萬戶集 黃復圭
君瑞集 陳謙 子平遺藁 黃元實 廷美集
宇文公諒 純節先生集 劉汶 師魯集
劉聞 容窗集

卷一〇

四九〇—三六一

四九〇—三三二

四九〇—三〇七

四九〇—二九二

四九〇—二八一

四九〇—二四四

書名	卷次	頁次	作者
胡助 純白類稟 楔玉立 世玉集 張天英 石渠居士集 熊夢祥 松雲道人集 宋沂 春詠亭集 卞思義 宜之集 屠性彥德集 昂吉 啓文集 陳秀民 寄情集 方行 東軒集		四九〇—四〇五	
卷一一 高明 柔克齋集 吳克恭 寅夫集 陳方孤篷倦客稟 潘純 子素集 鄭東 聯璧集 鄭采 李元珪 廷璧集		四九〇—四四四	
卷一二 張渥 貞期生稟 李瓚 弋陽山樵稟 陸友 杞菊軒稟 顧盟 仲贊集 衛仁近 敬聚齋稟 彭采 仲愈集 張遜 溪雲集 文質 學古集		四九〇—四六五	
卷一三 周砥 荆南倡和集 履道集 王鑑 明卿集 何景福 鐵牛翁遺稟		四九〇—四九五	
卷一四 陸居仁 雲松野褐集 羅蒙正 希呂集 周棐 山長集 許恕 北郭集		四九〇—四九五	

書名	卷次	頁次	作者
卷一五 張簡 雲丘道人集 瞿智 睿夫集 陸仁 乾乾居士集 馬磨 公振集 呂誠 來鶴 草堂稟 既白軒稟 竹洲歸田稟 俞遠 豆亭稟 卷一六 於立 會稽外史集 鄭守仁 蒙泉集 祖 伯 不擊舟集 本誠 凝始子稟 子賢 一愚集 張玉娘 蘭雪集 黎崱 靜樂稟		四九〇—五一八 四九〇—五六一	

欽定四庫全書薈要

集部
元詩選二集卷二十三

欽定四庫全書薈要卷二萬四百五十一

集部

元詩選二集卷二十三 長洲 顧嗣立 編

謝應芳龜巢亭



應芳字子蘭武進人為耿介尚節義至正初江浙行省舉三衢清獻書院山長阻兵居吳之葑門轉徙吳淞江上築室松江之旁教授之暇以詩酒自娛洪武初年逾八十歸隱橫山自號龜巢老人所著詩文曰龜巢豪子蘭紬繹經史作為文章咸有根柢閩人張志道評其詩雅正純潔可與傳與礪相伯仲識者以為名言門人王著嘗請刻其詩子蘭手摘數十篇與之曰龜巢摘橐豐城余詮范陽盧熊弁其首次子林字瑀樹洪武十年以郡府所舉至京師授開封新鄭縣學教諭卒所遺詩世未刊行其傳者出朱存理鈔本云

登金牛臺

六龍城西呂城東

一作金

牛古堰卧兩虹誰築高樓作

詳校官編修臣王天祿

欽定四庫全書

元詩選二集
卷二十三

臺水中汜野有蔓草牛無蹤河邊青苔生白一作枯骨刀

創箭瘢猶未沒問知八十一年前戰死當時皆義卒鐵

馬遁去鎔將軍大家牽羊走燕雲百二山河獻明主北

駝南象今紛紛登臨且喜得佳客鞠育青青已堪摘浮

雲世事勿復論一醉西風真上策

呈趙徵士摘索題作感韻

吳姬手執金巨羅春風笑面生紅渦主人留客長夜飲

客拜主人持酒多主人沈一作爛醉客亦醉客散扶歸主

人睡殘杯冷炙厨頭傾鄰家兒有啼飢聲

養鶴

西鄰主人翁養鶴如養客專童供鶴料稍慢童受責試

問鶴何好毛羽喜潔白又能舞蹁躑長鳴振金石客有

鶴骨清粹然含素德窮居以詩鳴冷面常菜色賦命鶴

不如可為長太息

耕隱為蕭徵士作

蘭陵溪上梅花邨世居齊梁之子孫瀕溪沃壤足禾黍

教子讀書深閉門時人笑渠生理拙渠亦笑人多覆轍

春來烏犍一犁雨歲晚黃精三尺雪有時獨速舞短蓑

飯牛別作耕田歌長安車馬自塵土奈爾濯足滄浪何

君不見蘇秦為無田負郭平生不識耕田樂奴顏婢膝

謁諸侯黃金載多禍隨作君今有田兼有書夜親燈火

朝犁鉏只恐一朝富貴逼人去猿鶴笑人留不住

鮮于瑞卿還碧亭

鮮于公子平泉莊有亭翼然水中央天光雲影白日靜

菱葉荷花清露香柳下繫船魚可釣座中留客酒盈觴

門前漁浦接洮渴白鳥飛去煙蒼茫

送秦彥明

美人木蘭舟春風挂帆去舟輕疾如飛可喜亦可懼浙

江多風波越山暗煙樹孤月照蓬窗今夜宿何處

代簡蔣成玉

春來一月苦陰雨少頃雨晴邀客嬉金斗城西芳草路

水邊楊柳青離離

邀高則誠郊居小集

別多無那苦相憶，賴有尺書時往來。逢人為說烏寶傳，此客合貯黃金臺。北風塵土歲云莫，南湖水波冰欲開。扁舟短櫂日相訪，元出西郭看野梅。

除夕和諸葛用中韻

盡道王門可曳裾，青山吾自愛吾廬。新年且醉屠蘇酒，舊業重脩種植書。堂上弄雛慈母喜，階前繫馬故人疎。東風一樹梅花雪，折得南枝報鯉魚。

欽定四庫全書

元詩選二集
卷二十三

陳伯大先輩偕邾仲義陳容齋張子儀見過酒

邊以茶瓜留客遲分韻得茶字

白鶴溪清水見沙，溪頭茆屋野人家。柴門淨埽迎來客，薄酒留遲當毀茶。林響西風桐隕葉，雨晴南晦稻吹花。北窗幾箇青青竹，題遍新詩日未斜。

嘉定道中二首

黍熟湖田花鴨飛，雨香秋浦蒭魚肥。野翁織屨街頭賣，日暮裹鹽沽酒歸。

趁潮艇子若游龍，潮落橫塘日下舂。負郭人家星散住，水邊多種木芙蓉。

崑山時州治移居太倉

孤峰雲疊疊，舊邑草蕭蕭。覓石敲新火，挈舟趁早潮。沙田紅稻熟，溪網白魚跳。寂寞悲秋客，蓬窗酒一瓢。

寄邾仲儀二首

我思垂虹橋，滄波綠楊津。鄂棣華宅，瞰此江之濱。荷衣佩秋蘭，野飯羹紫蓴。一從橋上別，花發三年春。相思

欽定四庫全書

元詩選二集
卷二十三

復相思為爾歌傳雲

我思釣雪灘，煙波數千頃。幽人讀書罷，乘風放孤艇。沙頭弄明月，水底見天影。鱸魚秋自肥，楓葉霜自冷。釣鉤未連鰲，聊此駐清景。

羣鼠

羣鼠穿我墉，晝出不我避。蒼頭生執之，赤手遭齧噬。號呼驚四筵，狸奴盡呼至。羣狸眈眈如盲鼠，輩從此逝。老我氣力衰，長吁夜無寐。

寄惠山鑒長老 字仲明 號太空

太湖之陽九龍峰金田盤爾僧中龍山頭雲出野漠漠
石眼泉落聲淙淙呵冰古硯寫墨竹埽雪幽軒看碧松
別來兩度歲年晚秋見梅花信一封

避雨

繫馬慶亭東郵亭似鶴籠 一作題詩 野店中 長河飛白雨高樹
灑清風州界纔相接鄉音便 一作 遠 不同野人來問字錯

認是揚雄 一作蘇梁陵寢 地猶得問樵翁

欽定四庫全書 元詩選二集 卷二十三

無錫贈何敬存

峩峩九龍峰寒泉落冰雪美人此傾蓋為我滌煩熱世
塗自荆榛肝膽無楚越憑高一長嘯清風滿林樾

河鮑

世言河鮑魚大美有大毒彼美吾不知彼毒聞已熟其
子小如芥食之脹如菽腹腴膏血多目睥頭項縮烹燻
苟失飪禍至不轉瞬或言直一死輕命重口腹爾來州
里間杯羹數家哭譬諸安與史甘用取顛覆溺愛多不明

奚止一水族作此河鮑詩逢人敢忠告

瓊花行送盛克明教授歸維揚

揚州好花非不多奈爾絕品無雙何水沈香滑素玉蕊
琉璃滑葉青瑤柯東風二月花時節二十四橋香浸月
小山叢桂避芳塵東閣官梅褪殘雪向來名士多品題
祗香御史今亦知何日移春獻天子不負此花天下奇
過鄒道鄉先生墓有感

忠公天下士夙學能慎獨平生寸心赤耿耿照黃屋元

欽定四庫全書 元詩選二集 卷二十三

符引裾諫痛甚賈生哭上言正中宮下言斥當軸直道
時不容除名竄荒服建中及崇寧寵辱手播覆炎蒸嶺
南地文章散青馥晚歲歸故山林莊竟薶玉向來望佳
城鬱鬱暗松竹今為禾黍區春雨耕穀蘇翁仲知何歸
云仍困無告嗟余佔畢生斯文賴私淑願言理侵疆重
植宰上木愚公將移山自謂計已熟精衛欲填海可奈
力不足傷心復傷心殘碑卧荒麓

喜復鄒忠公墓田賦絕句十首謝兩郡侯 錄二

府公遺愛霑幽壤禮部文章勒翠珉寒食清明人灑飯
落花飛絮鳥啼春

里翁猶記前朝事五馬年年上冢來白鳥能言高桂古
黃楊合把細花開

養竹成大林

以下二首摘
柔題作感興

養竹成大林頻年竹生孫美竹非不多惡竹亦已餘羣
奴為洗之往哉聆我言美者慎勿傷去惡必去根勿虞
爾斧缺勿憚爾力煩宿莽蕩無餘清風仍滿園

欽定四庫全書

元詩選二集
卷二十三

樹頭鴉舅鳴

樹頭鴉舅鳴農人起耘苗問之爾何忙良田莠驕驕去
年耘較遲草蔓全力寡稂莠非不除卒以害吾稼吾聞
農人語猛省天下事養虎當害人玩寇亦如此

三五七言

角蛇啼翼虎飛百年鳳皇壞五色鸛雛飢盲風怪雨連

三月青天白日無寧時

歲莫獨歸

浩浩北風吹戰塵還鄉無復見鄉人四郊荒草斜陽外
一樹寒梅野水濱偶有新詩題甲子勿驚初度過庚寅
僧廬夜宿明朝別默念我蒿淚滿巾

西膠山下雪晴

寫呈無錫州尹遂蒙
罷吳家渡築城之役

一夜雪深二尺強石人墮指冰蠶僵猶喜金烏兩翅凍
不折天明飛出海上之扶桑老夫晨起膠山下風景看
來渾似畫連山萬頃玉為田隔水數家銀作舍田中築
城團義兵日高未飯飢腸鳴黃泥凍地硬如鐵白柄短
鉏鏗有聲不辭受寒餓但恐虧工程將軍踏雪來點名
萬夫鵠立顫且驚馬前壯士五色關棒頭性命鵝毛輕
余生悔不習兵法雪夜擒吳書奏捷客櫬抱膝漫悲歌
奈爾義兵寒若何

丹陽陳天倪及其弟剛中奔牛陳心遠諸羽士

避兵洞庭山寄此代簡

洞庭林屋聚羣山

一作松喬一
別兩經年

問訊曾逢賣橘船湖上

白魚多滿尺

一作鰱
堪結社

山中朱果不論錢仙家犬吠雲連

欽定四庫全書

元詩選二集
卷二十三

九

屋澤國龍吟月滿一作水接天辟穀有方煩寄我一作能寄否吾

將多與世人傳一作老夫愁鬢雪紛然

寒食日聞鄉信口占

鄰舍驚呼避蝮蛇老妻嗔怒唾烏鴉誰知昨夜三更雨
又送春風一度花寒食清明人上冢夕陽芳草客思家
愁來復遶青山去何處墟亭酒可賒

過鴻山訪孟伯堅周履道不遇

班馬文章駕並馳雲龍追逐去何之門前流水垂楊柳

欽定四庫全書

元詩選二集
卷二十三

十一

屋上青山叫子規三月又逢脩禊日一觴還憶太平時
可憐潦倒無家客滿目風塵兩鬢絲

刺促行次履道韻

刺促何刺促江上秋風破茅屋誰憐杜少陵長歌之哀
甚於哭故山可望不可歸髑髏臺高春草綠浮雲滓日
竟誰洗烈火連天勢難撲三農不復把鉏犁風雨荷戈
城上宿於戲人生有子作征夫不如返哺林間鳥

題春林雨意圖

前山後山雲氣濃欲雨不雨天無風記得一作絕似去年初
夏一作兵革裏此時船過潏湖東

狗寨謠

往聞淮西軍食人狗亦有寨屯如軍是時江南幸無事
尚謂傳者言非真安知吾鄉今亦爾地方百里皆荆榛
三邨兩邨犬成羣見人如見東郭貌跳踉大噉猛於虎
跛跢高踞聲狺狺路旁青草堆白骨天外飛鳶銜斷筋
征夫早去膽欲落冤鬼夜哭情難伸可憐性命葬饑腹

欽定四庫全書

元詩選二集
卷二十三

十二

往往多是還鄉民向來喪家狗絕食遺骸或與狐狸分
乘時為暴至若此此事千古同悲辛寢皮食肉不可得
張牙弄爪何由馴虞廷九官分厥職益必掌火山澤焚
犬乎犬乎胡不革爾心全爾身主爾主鄰爾鄰搖尾乞
食仍相親母使狗若之名天下聞

贈道傳上人

偶識廬山遠山莊借屋一作客居撥雲一作長餅分臘酒踏雪
一作老國送寒蔬門俯溪光迴窗含野色虛相遇兩不厭燈

火案頭書

至正丁酉冬昆山顧仲瑛會客芝雲堂適時貴
自海上來以黃柑遺之仲瑛分餉坐客喜而有
作屬余及陸良貴袁子英等六客同賦

青巾西來一作亦看橫行食人肉逃難西來一作逃我昆山采黃獨上

書不伏光範門忍飢寧負將軍腹玉山燕客客滿堂香

柑新帶永嘉霜分金四座照一作人眼漱玉三嚙清詩

腸山中柳瓢大如斗吳姬擘來薦春酒酒酣遙指洞庭

欽定四庫全書

元詩選二集
卷二十三

十三

山為問木奴曾貢否頻年兩浙阻兵戈黃柑綠橘不相

過此時共享一作此佳果胡不取醉花前歌漢庭傳柑

還賜宴應念江南久征戰聖恩有語復蠲租可奈數州

人已無一作願言海內無征戰漢廷還有傳柑
宴白髮吳儂能上天野芹亦獻蓬萊殿

漫興一作吳
下詠懷十首

甫里水東頭垂蘿繫客舟客心清似水吟鬢白如鷗詞

賦知無用干戈苦未休蓬窗三日雨農事憶西疇

五十不富貴蹉跎又六年新愁添鶴髮故國暗狼煙白

帽看雲坐青鐙聽雨眠癡兒書懶讀翻笑腹便便

吳地方千里齊民總荷戈人生無可奈天運竟如何米

市黃金賤沙場白骨多故山時一望老眼淚懸河

伐木燒官炭中林霹靂飛窮猿無可擇飛鵲更何依野

雨生稊稗山風長蕨薇兒曹能采拾猶足慰年饑

吳女何多巧吳趨一作楚聲市廛方易肆朱粉復傾

城壓酒桃花鴈彈箏細柳營將軍正年少相顧若為情

闔閭城下柳誰一作種綠陰成樹繫浮江馬枝遷出谷

欽定四庫全書

元詩選二集
卷二十三

十三

鶯朝家方用武僧寺總屯兵猶喜湖田熟街頭米價平

田舍方東作州家要義兵瀕湖團水寨斲石甃山城柳

暗村煙暖芹香潤雨晴荷鉏歸未得布穀為誰鳴

盡道從軍好封侯甚不難羽書頻報一作繞秦捷相府即除

官北鄙煙塵一作西遠東風雨雪寒腐儒人共笑白首

鹿皮冠一作此身知已
候依舊著儒冠

太湖三百里流血水雲腥戰鼓有時歇漁歌無處聽飄

零孤鴈白慘澹遠山青題橋音書斷令人憶洞庭

近聞哀痛詔使者出一作入江東兵革何時息一作已車書

四海同落梅春雨後芳草夕陽中俯仰長流涕窮塗一

老翁一作欲作菟裘計桃源路不通

顧國衡萬戶席上與乃翁及元璞長老數客把

酒賦詩各成七言四韻

客來寒食清明日每日清風醉玉山綵筆醉題鸚鵡賦

寶香煩熱鸚鵡斑檐前脩竹翠欲滴池上小桃紅更殷

按得錦筵新製曲隔花黃鳥共間關

欽定四庫全書

元詩選二集卷二十三

四

和顧仲瑛金粟家燕集

我昔過北邙立馬山之隈為問隴頭樹皆云後人栽生

前尊酒誰不有無人到此自對青山開屋堆黃金五侯

貴難免白骨生蒼苔最憐吉士或枉折有如燬下焦桐

材一作道旁多棄夜光壁燬下誰惜絲桐材

玉山先生達觀者宵次不著閒

悲哀清秋攜客墳上飲麴車載酒山童推大笑胥魂乘

白馬深慙絲魄化黃能墓銘自製身一作詩自輓視身不

翅輕如一作於

埃鸞翔鳳翥玉箸篆虎踞龍蟠金粟堆鶴

羣三一作長繞嘉樹舞龜趺或載豐碑來摘案上四聯倒轉長吟

復短吟此興何悠一作高哉秋風無情摧萬物芙蓉亦老

臘脂顯笑言他年翁仲共寂寞何如此時賓客相追陪

功名絕一作本愁根富貴脫一作真禍胎百年能幾日一日

能幾朽從茲秉燭長夜飲猶恐四蛇二鼠忙相催主人

爛一作沈醉客亦醉絕倒不顧旁人哈北望中州數千里

人家盡作兵前灰鬪饑委江荒一作荒郊多是賢與才忍飢

自作一作伯夷空忍首陽鬼一作紙獨醒誰念一作屈原徒作湘江纍神

欽定四庫全書

元詩選二集卷二十三

十五

仙初無不死藥方士浪說尋蓬萊君不見無邊之海白

淼淼無名之山青巍巍長鯨噓吸成風雨一作雷徐市一

去何曾迴

玉山以余欲徙居淞江之東設席書畫舫邀袁

子英陸元祥板上人用江東日暮雲分韻賦詩

以餞余得江字用以留別

浮家野老雙眉厖捩柁欲度吳淞江東將入海鉤濤瀾

玉山中別老龐西池之屋如舲艘左圖右書堆滿窗

燈花搖搖落銀缸葡萄濫濫傾玉缸四檐白雨飛流涼
若裂蝸石銀河澤主人長歌客按腔翕然鐘鼓相擊撞
酒酣捉筆如長杠千軍可埽鼎可扛諸公大才齊楚邦
騷壇老將森麾幢客來投戈乞受降乃辱贈以白壁雙
明朝短襪纔解襜馮夷前驅鼓逢逢海濱懷人倚石砭
書筒好寄黃耳虬

子英云玉山顧隱君今於同里法喜寺樓居日
鈔佛書至午而止餘暇則吟詠不輟雖親舊來

欽定四庫全書

元詩選二集
卷二十三

十六

訪亦不往答焉余因子英復去作此代簡摘囊題作

袁子英過長洲寓舍云顧仲瑛寓吳江法喜寺日鈔佛書過午則觴詠不輟子英行附此

訊問

客來喜得平安信蕭寺樓居日掩扃湖近浪搖窗影白
地偏苔沒屨痕青羣賢方結蓮花社小楷猶鈔貝葉經

歲晚扁一作歸

舟歸一作經

甫里好尋漁父過寒汀

踏車婦

吳田水深三尺許總是去年秋莫雨勸農使者催春耕

田甲頻搗水車鼓江邨破屋能幾家幾家婦姑俱踏車
蓬飛兩鬢赤雙脚亦有兒女雙髻了淞江太湖愁滿眼
白汗霑衣足生趺車輪轆轤羊角轉水波翻翻龍舌卷
春來十日九不晴怕聞鶉鴉呼雨聲滂沱纔俾片時久
辛苦又加三日程當家豈無夫與子打魚日糴去城市
城中禁米難出關田上忍飢還戽水四郊未種園田穀
三邊已運官倉粟安得木牛為木龍運水疾於牛走陸
西林日落田婦歸隤岸白煙魚虎飛詩翁獨立長太息
何處青山有薜薇

欽定四庫全書

元詩選二集
卷二十三

十七

二月歸田舍作四首

十年為客不窺園數日還家獨閉門兒女牽衣拂塵土
親朋折簡問寒暄江南花柳青春好淮上風煙白晝昏
間道賊渠今磔死雨窗歡喜倒清樽
餘生甘分老漁樵竹徑柴扉掩寂寥舍後薄田堪種秫
門前流水喜通潮人遭歲歉餐榆粥天假春晴養麥苗
蚤起憑高望西北楚氛猶自未全消

鵲鳴鵲噪總無靈庸孺謠言更莫聽萬國山河春蕩蕩

一時煙霧盡冥冥官軍自足追窮寇縣吏猶勞募壯丁

何日賣刀仍買犢花邨雞犬共安寧

飛鳥輓粟未能休嗟我鄉鄰日夜憂何事羣兒忘猖獗

半年諸將擁貔貅桃花過雨紅顏老杜宇傷春血淚流

堪笑腐儒無可用下帷依舊說春秋

客來

帶孔頻移轉覺寬酒杯雖舉不成歡客來為說紅巾苦

欽定四庫全書

元詩選二集 卷二十三

窗下榴花亦怕看

題金陵陳時舉宅畫壁

雙松歲寒姿卷石太古色我昔山中一作南山遊憩一作歌此

松下石松花雪霏霏松葉風瑟瑟安知此清景相對復

今日撐空兩髯龍還在書中室主人罷鳴琴宴坐室生

白客來苦炎熱倚樹欲挂幘不聞天籟鳴但見空翠滴

煩襟頓如洗林壑幽興適經月數相過明朝有行役黃

埃赤日中令人轉相憶

兵後到杭為掾史置酒見招且示所與石處道

丘長卿西湖倡和之什次韻一首摘案題作馬仲達省郎招

飲出示石處道丘長卿西湖倡和之什乃即席次韻以寓感慨

西湖山色冷如灰前度劉郎今又一作兵後來紅粉畫船俱

寂寞斷橋流水自縈迴一隄寒柳風煙老兩鬢飛一作秋

蓬歲月催賴有故人能慰藉綠尊長對晚山開

西湖曲

西湖春水綠於酒西湖女兒嬌似柳依稀二月三月春

欽定四庫全書

元詩選二集 卷二十三

攀折千人萬人手我有一索青銅錢明朝也一作亦買下

湖船試歌斷臂孤兒曲湖上豈無人解傳

舟中懷辛至善

春草綠如許之人猶未歸江東雲度水馬上雨霑衣王

事驅馳久家鄉信息稀多情舊時燕還繞畫梁飛

嚴將軍戰馬歌并序

至正乙未春常多盜省府調兵捕之浙東宣慰司

元帥嚴公來總軍事未幾無錫平移軍武進一日